

如果平时放假想约人出去玩，斋係谗去边度行街、影相、打卡，就已经谗到头都大埋！如果有个地方有得行街 shopping、叹咁吹水、影相打卡，一次过满足你三个愿望，会唔会帮到你呢？讲紧就係位于西门口敬梓里文创社区啦！

彭琳 / 文
彭琳 实习生 许家铃 / 图

文创新地 西门口敬梓里



敬梓里一共有两层，一楼主要係独立设计品牌工作室

其貌不扬旧厂房

跟住地图行，见到呢条短切兼且四面仲要装修紧嘅巷子，大家唔好犹豫，继续向前，好快就会见到敬梓里嘅啦！一开始敬梓里呢个地方，其实係一间厂房，中途亦试过被改建成住宅区，近年敬梓里经过活化再改造之后，摇身一变就成为今时今日文青实啱嘅文创社区啦！敬梓里呢度基本冇改动原来旧厂房嘅整体结构，入面又保留咗民居嘅间隔，虽然经过活化，变成好多小商店，内笼嘅居住痕迹真係无处不在！一行入去，当堂有迷官果种错综复杂嘅感觉。

原创设计随你拣

市集唔係成日有，但一楼嘅工作室係比较固定嘅，平时嚟逛下一楼，就够你逛大半日了。工作室里面有好多原创设计嘅小物，睇到你唔舍得走。

无慧香水



无慧香水嘅植物香薰



经过改良嘅小众香水

睇呢度，你可以试到唔同风格嘅植物香薰，以及佢哋手工调制出嘅嘅香水。如果呢啲唔啱你心水嘅，你仲可以试下佢哋改良过嘅小众香水，创意嘅香味之间碰撞，话唔理你会带住你意外嘅惊喜。



迷宫艺术馆



大家唔好嫌敬梓里店仔细小，行入去逛间睇，你会搵到无穷乐趣。

好佬寻宝嘅“迷宫”

敬梓里将自己定位为“探寻迷宫式”的旧厂房，係几贴切嘅，好适合大家寻宝。敬梓里一共有两层，一楼主要係独立设计品牌嘅工作室，虽然店仔细小，行入去逛间睇，你会搵到无穷乐趣；二楼就设有一个名为“迷宫艺术馆”嘅展览场地。会不定期举办一啲特色展览、主题市集，中意睇展、逛街嘅朋友仔，记得留意啦！



不安分书店

话就话係书店，实情入到去，空间细、过道窄，但係书籍、插画、甚至独立音乐，你都可以搵到，全部摆到整整齐齐！虽然呢度地方浅窄，但佢哋依然会举办唔同类型嘅展览，地方细小，创意无限嘅！

何非 OPHIRHE



橱窗展出嘅皮袋



恰到好处嘅色彩运用，摆出街都真係好 sharp 嚟！

一行入店内，你就会见到好多好多彩色缤纷嘅皮袋。呢间叫 COLORFUL 嘅原创手作店，係由几位广美毕业生共同创立嘅，因为对颜色零舍敏感，所以佢哋就将呢种对色彩嘅追求，摆咗嘅佢哋设计嘅皮具当中。呢啲融合抢眼色彩搭配嘅手袋，每一件都係设计师眼中嘅艺术品。

XPECIAL D COFFEE



逛咗一圈之后，见边想睇下？门口呢间 XPECIAL D COFFEE 就啱晒你啦！坐低同朋友吹下水、再叹杯咖啡，真係好写意嘅。不过，同敬梓里嘅工作室一样细间，座位唔多。

闹市中的小天地 寻回情怀与静谧



“深夜食堂”居酒屋

街坊大本营 食过返寻“味”

802 和 803 都係两层设计，店内面积不大，却是好多街坊聚会、求婚、庆生嘅首选地点。店铺咁热门，全因老板 Simon 哥有人情味得嘅，店内出品又够晒平靚正。咁多年嘅菜式嘅价格基本冇变过，加上店面又执得企理，所以啲街坊出去食嘢，第一时间就会谗起呢度！802 和 803 好似孖兄弟咁互补不足，803 就弥补咗 802 未设有房间嘅遗憾。想话同朋友嘻嘻哈哈一齐叹日料，咁 803 嘅包厢就啱晒你啦，每间房门口仲配埋鞋柜，绝对係加分嘅细节！鲜味、美味、人情味，呢间居酒屋一店三味，令到好多街坊和顾客都会食过返寻味。



803 设有独立房间可以同朋友一齐聚会



802 店内照片墙

18位股东 一道人情味

呢间喺小区转角位，睇落唔觉眼眼居酒屋，睇疫情期间，周围街坊都会专门嚟帮衬。一到饭点，呢度就会好旺场，但等位唔需要企喺门口做“门神”，大家可以移步过隔离嘅 Café，吹住冷气、坐住等。点解有咁嘅安排？皆因 802、803 同隔离嘅 SIK COFFEE 都係由 18 位股东一齐建立嘅。而呢间居酒屋之所以 802 就係因为呢班股东，唔啱开始玩“煮饭仔”，做私房菜嘅地方就喺 802 号。“802”呢个数字既是代表店铺的初心，亦是一份希望继续留存的情怀。

802 地址：广州市较场东路 31 号
营业时间：11:00-14:00; 17:00-22:00

803 地址：广州市较场东路 61 号
营业时间：12:00-14:30; 17:30-23:00


“啡空间”多元化



店内仲有唔少张张国荣海报，增添怀旧气息

南洋文化怀旧 look

广州好多 Café 会选择较为简约嘅装修风格，而今次我哋发掘嘅 SIK COFFEE，陈设色彩缤纷，具有强烈嘅视觉冲击感，加上随处可见的港产片怀旧海报，多咗一份怀旧嘅味道。曾喺新加坡住过嘅店主嘉欣，係 18 位股东中年纪最细嘅一位，深受南洋文化熏陶，就将色彩浓烈嘅南洋风格带咗嚟呢度。



行到门口就已经被哥哥海报吸引住



士家卫海报同店内色彩缤纷陈设相得益彰

特色饮品进阶创意

饮品方面，SIK 大胆将岭南特色融合，炮制出古早龟苓膏咖啡、招牌糯米水……糯米水选用嘅糯米口感 Q 弹，口感清甜，天气热辣辣嘅时候整杯，消暑又祛湿，养生又滋味，唔少妈咪都忍唔住要买小朋友试下！想饮咖啡，SIK 呢度咖啡豆选择唔多，不过欢迎顾客自带咖啡豆过嚟磨，配埋招牌嘅芝士蛋糕，认真滋味！



顾客存放私伙咖啡豆嘅自留地



南村巴斯芝士蛋糕酸酸又清新

空间多效用

文化嘅多元性亦係南洋嘅特性。除装修外，SIK 亦想嘅度呈现更多可能性。午后阳光照落室外嘅咖啡区，令人可以暂时放低烦扰，享受片刻嘅悠闲时光。一楼善用镜面设计，界人感觉阔落。唔讲唔知，喺楼上竟然藏有小小放映厅，叹住啡、食住 Cake，坐落度睇翻翻戏，你都咪话唔写意！二楼仲会不定期举行各类分享活动，包括亲子烘焙、宠物喂养等，次次举办，附近街坊都会一呼百应！嘉欣同其他店员亦都好健谈，所以大家都会经常过嚟吹水 High Tea，唔知仲以为呢度係街坊们嘅私窝。



放映区保留咗上手琴行、做烘焙教室，大班人一齐睇戏都冇问题

SIK COFFEE
地址：广州市越秀区较场东路 67-2 铺
营业时间：09:00-21:00